

# **Suliffeqarfinnut pisortanit pigineqartunut aalajangersimasunut tutsinneqarsimasunik tapiissutit utertillugit akilernissaat pillugu Namminersornerullutik Oqartussat nalunaarutaat**

Unammilleqatigiinneq pillugu inatsisartut inatsisaat nr. 16, 19. november 2007-imeersumi § 12, imm 4, immikkoortut aappaat malillugu aalajangersarneqarpoq:

**§ 1.** Unammilleqatigiinnermut Ataatsimiitaliap peqqussutigisinhaavaa aamma pisortanit tapiissutit suliffeqarfinnut ingerlatseqatigiiffittut isikkulimmik ingerlatanut pisortanit tamakkiisumik ilaannakusumilluunniit pigineqartunut aalajangersimasunut tutsinneqarsimasut utertillugit akilerneqassasut.

**§ 2.** Suliffeqarfait ingerlatseqatigiiffittut isikkulimmik ingerlanneqartunut, unammilleqatigiinneq pillugu inatsimmi § 12, imm. 4 immikkoortut aappaat naap., ilaapput:

1) Suliffeqarfait pisortat malittarisassaliornerisigut pilersinnejarsimasut, unammilleqatigiinneq pillugu inatsimmi § 2, imm. 2 naap., aamma pisortanit tamakkiisumik ilaannakuusumilluunniit pigineqartut.

2) Kommunit peqatigiiffii, kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminut periarfissaat pillugit inatsisartut inatsisaanni § 2 naap.

3) Suliffeqarfait allat, pisortanit tamakkiisumik ilaannakuusumilluunniit pigineqartut.

*Imm. 2. § 1 naapertorlugu utertillugit akiliinerit taamaallaat akileqquneqarsinnaapput, imm. 1-imi taaneqartut suliffeqarfait aaqqissuussaanerminni aqutsisoqarnikkut naatsorsuuteqarnikkullu ingerlatseqatigiiffit killeqartumik akisussaaffilit, suliffeqarfait imminut pigisutut ilaalu ilangngullugit assigissaattut ingerlanneqarpata.*

**§ 3.** Nalunaarut manna 1. julip 2008-mi atulissaaq.

Namminersornerullutik Oqartussat, ulloq 27. juni 2008

Siverth K. Heilmann

/

Bent A. Sørensen

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut